



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Agenda Dioecesis Paderbornensis Rituali Romano accommodata**

**Hermann Werner <Paderborn, Bischof>**

**Nevhsii, 1687**

Benedictio fontis extra Sabbatum Paschæ & Pentecostes, si aqua  
defecerit. In Sabbato videatur in missali.

**urn:nbn:de:hbz:466:1-36005**



**Benedictio Fontis.**

Curet Parochus moneri Parentes ne infantes secum habēant in lecto, propter periculum oppressionis, sed benè custodiant, & opportunè ad Christianam disciplinam instituant.

Commonendi etiam sunt, si opus, ne filios Judæis alijsque infidelibus vel hæreticis mulieribus ullo modo lactandos vel nutriendos tradant.

Antequam discedant ex ecclesia in libro ad id parato annotentur nomina Parentum, Patrinarum, & baptizati.

Sic adultus vel adulta ad baptismum veniat, servetur modus baptizandi adultos, ut præscribitur in Rituali Romano.

**Benedictio Fontis Baptismi extra Sabbatum Paschæ & Pentecostes,**

*si aqua defecerit.*

**P**rimum lavatur & mundatur vas Baptisterij, deinde limpida aqua repletur. Tum Sacerdos cum suis Clericis cruce, duobus cereis, thuribulo & in censo cum vasculis olei catechumenorum & chrismatis præcedentibus vadit ad fontem & incipit Lytanas majores omnium Sanctorum, vel eas quæ habentur in Sabbatho sancto, & ante versum, *ut nos exaudire digneris, dicit bis, ut fontem istum ad regenerandam tibi novam prolem benedicere & consecrare digneris,* terogamus audi nos. Et dicto ultimo kyrie eleyson dicit. *Pater noster & Credo.* clara voce totum his finitis.

**V.** Apud te est domine fons vitæ

**R.** Et in lumine tuo videbimus lumen

**V.** Domine exaudi orationem meam

**R.** Et clamor meus ad te veniat

**V.** Dominus vobis cum

**R.** Et cum spiritu tuo.

*Oremus.*

Omnipotens sempiternæ deus, adesto magnæ pietatis tuæ misterijs, adesto Sacramentis, & ad recreandos novos populos, quos tibi fons baptismatis parturit, spiritum adoptionis emittite: ut quod nostræ humilitatis gerendum est ministerio, virtutis tuæ impleatur effectu. Per Dominum nostrum Jesum Christum filium tuum, qui tecum vivit & regnat in unitate Spiritus sancti Deus: per omnia sæcula sæculorum. **R.** Amen.

*Exorcismus aquæ.*

Exorcizo te creatura aquæ, per deum vivum & per deum verum, & per deum sanctum, & per deum qui te in principio verbo separavit ab aridâ, cujus super te spiritus ferebatur, qui te de paradiso manare jussit.

*Hic manu aquam dividat, & deinde de ea effundat extra marginem fontis versus quatuor orbis partes prosequens.*

Et in quatuor fluminibus totam terram rigare præcepit: qui te in deserto amaram, per lignum, dulcem fecit, atq; potabilem; qui te de petra produxit, ut populum, quem ex ægypto liberaverat, siti fatigatum recrearet. Exorcizo te & per Jesum Christum filium ejus unicum, dominum nostrum, qui te in Cana Galilæa signo admirabili, sua potentia convertit in vinum: qui super te pedibus ambulavit, & à Joanne in Jordane in te baptizatus est: qui te unâ cum sanguine de latere suo produxit, & discipulis suis jussit, ut credentes baptizarent in te, dicens: Ite, docete omnes gentes, baptizantes eos, In nomine Patris, & Filii, & Spiritus sancti: ut efficiaris aqua sancta, aqua benedicta, aqua, quæ


lavat






lavat sordes, & mundat peccata. Tibi igitur præcipio omnis spiritus immun-  
de, omne phantasma, omne mendacium, eradicare & effugare ab hac creatura  
aquæ salientis in vitam æternam, regenerans eos deo Patri, & Filio, & Spiritui  
sancto in nomine ejusdem Domini nostri Jesu Christi, qui venturus est judicare  
vivos & mortuos, & sæculum per ignem. **R. Amen.**

Oremus.

**D**omine sancte, Pater omnipotens, æterne deus, aquarum spiritualium  
sanctificator, te suppliciter deprecamur, ut ad hoc ministerium humilita-  
tis nostræ respicere digneris, & super has aquas abluendis & purificandis ho-  
minibus præparatas, Angelum sanctitatis emittas, quo peccatis vitæ prioris  
ablutis, reatuq; deterfo, purum sancto Spiritui habitaculum regenerati effici  
mereantur. Per Dominum nostrum Jesum Christum, Filium tuum, qui te-  
cum vivit & regnat, in unitate ejusdem Spiritus sancti Deus: Per omnia sæ-  
cula sæculorum. **R. Amen.**

Tunc sufflet ter in aquam versus tres partes, secundum hanc figuram  deinde imponit in-  
censum in Thuribulo, & fontem in censat. postea infundens de oleo catechum. in fontem  
in modum Crucis dicit.




Sanctificetur, & fœcundetur fons iste oleo salutis, renascentibus ex eo in  
vitam æternam in nomine  Patris, &  Filij & Spiritus,  sancti.

**R. Amen.**

Deinde eodem modo infundit de chrismate dicens.

Infusio chrismatis Domini Jesu Christi, & Spiritus sancti Paraclleti, fiat  
in nomine sanctæ Trinitatis. **R. Amen.**

Postea accipit ambas ampullas Olei & Chrismatis, & de utroq; simul in modum Crucis in-  
fundendo dicit.

Commixtio Chrismatis sanctificationis, & Olei unctionis, & aquæ bap-  
tismatis, pariter fiat, in nomine Patris  & Filij  & Spiritus  sancti.

**R. Amen.**

Tum depositis ampullis, dextrâ manu oleum sanctum & chrisma infusum miscet cum aqua  
& spargit per totum fontem. Deinde manum detergit, baptizandos baptizat. Si neminem bap-  
tizat, statim manus abluat, ablutio fundatur in Sacrarium.

## DE SACRAMENTO CONFIRMATIONIS.

**C**um materia, forma, ordo, & ritus hujus Sacramenti Episcopum, veluti Ministrum hujus con-  
cernat, hic de his nihil ponitur nisi quod Parochi Confirmationis Sacramentum, ejusq; effe-  
ctum, gratiam scilicet majorem ad resistendum Diabolo & tentationibus, suis diligenter explicent,  
ut & in statu gratiæ suscipiatur. Curabunt etiã, ut omnia tam Confirmatorum, quam parentum &  
patrinorum nomina exactè notentur, quatenus confirmationis testimonia dare valeant; & de cog-  
natione spirituali inter confirmatum ejusq; Parentes, & Patrinum contracta cognoscere. Et si  
fortè contingat, quosdam inveniri, qui hoc impedimento posito, nihilominus matrimonium con-  
trahere vellent, Parochi de super Superiorem loci informare valeant.

Fascia post triduum solvatur & detergatur frons, fasciaq; comburatur.

## DE SACRAMENTO POENITENTIÆ.

**P**oenitentia Sacramentum, relapsis post baptismum unicum salutis remedium, à Sacerdote  
proprio, vel alio ad id delegato, & ab Ordinario antecedentè approbato, tanto administretur  
accuratius, quanto petitur frequentius: ne vel ignorantia Ministri, vel nimia facilitate à quibusvis  
casibus absolvendi vilescat, vel nimia hæsitazione & scrupulandi morâ fiat exosum.

Materia